

## COMUN

Deache l'azes ai ofizi publics é ma plü conzedü a chi che á le greenpass (3G), resta la porta dla ciasa de comun sarada. Chi che á le greenpass pó soné a porta y la porta ti vëgn daurida; ti ofizi gnarál spo controlé le greenpass.

## PLOANIES SAN MARTIN Y LUNGIARÜ

I ti audun döt le bun a siur Heinrich Perathoner che complësc ai 11 de forá 81 agn. I rengraziun Idí y le periun ch'al i scinches sanité, forza y ligrèza te so sorvisc y benedësces so laur ch'al portes tröc früc.

Por le De di Amará ai 11 de forá sunse düc invia da s'uní ala oraziun dl Papa: *"I ti racomani düc i amará, chi che laora tla sanité y chi che ti stá dlungia ai soferënc a Maria, ala Uma dla misericordia y dla varijun di amará. Dala Grotta de Lourdes y dai tröc santuars che ti é dedicá sura döt le monn, prëii, ch'ara renforzes nosta fede, nosta speranza y nes dèides da s'un tó sura un dl ater ti amur sciöche fredesc y sorus."*

Le Sorvisc ai Jogn Val Badia mët a jí "Dis de preparaziun al maridè" dala sabeda, 23 d'aurí, ala domènia, 24 d'aurí 2022, cun chësc program:

Sabeda, 23 d'aurí 09.00 - 12.30 dr. Lois Kastlunger (coordinadú)  
12.30 - 14.00 marëna  
14.00 - 17.00 siur Markus Moling (prou)

Domènia, 24 d'aurí 09.00 - 10.45 Elena Sorarú (efom y consulënta)  
11.00 - 13.00 dr. Christian Pedevilla (avocat)  
13.00 - 14.30 marëna  
14.30 - 16.00 dr. Lois Kastlunger (coordinadú)

Le curs é por ladin. Le curs é limitè a 12 pers. I Ves periun da ves prenoté tl Sorvisc ai jogn Val Badia (0474-523070 / info@jogn.org) cina le mercui, ai 13 d'aurí. Le cost é de € 180 a per (curs + 2 iadi marëna).

## SAN MARTIN

Al vëgn indò bel perié do le contribut por scialdé la dljia, che vëgn trat ite cun l'oferta pro mëssa: - en chësta sabeda y domènia, 5 y 6 de forá y - y en sabeda y domènia, ai 12 y 13 de forá

Chi che ó pó ince paíé por banca IBAN IT 11 J 08010 58830 000304004922.

## LUNGIARÜ

Por chësta domènia, "Dé de Sconanza dla Vita" á la Uniun dles Ères arjigné por düc nasciüs tl 2021 na ciandëra che i gniturs pó se tó a ciasa do mëssa.

N bel dilan dles ofertes en recordanza dl defunt Marino Clara por les Misciuns tla Romania a suor Maria Chiara Ellecosta da pert dla Musiga da San Martin y dala Uniun di lagri Lungiarü por la Spona da Pidrò.

-----

Le Sorvisc ai Jogn Val Badia chir colauradus/ësses a tëmp plëgn; la domanda é da fá cina ai 13 de forá – ciarede plü avisa te internet sot a www.jogn.org.



# Plata dles Ploanies San Martin y Lungiarü

ploan siur Klaus Sottas 344 15 54 055 - klsottas@rolmail.net  
curat siur Heinrich Perathoner 339 65 74 213  
redaziun anton.gasser@rolmail.net - 348 27 44 517 / 0474 523 194



[www.valbadiaonline.it/comunite](http://www.valbadiaonline.it/comunite)

**06.02. - 13.02.22 nr. 11**

ultimo termo por comunicaziuns: jöbia, dales 20.00

## 5ª DOMÈNIA IA POR L'ANN - C

### Vangele do Lüca 5, 1-11

<sup>4</sup>Canche Gejú â albü rové süa pordica, ti àl dit a Scimun: Va fora alaleria! Dailò sciurede ostes rëis por la pëscia! Scimun ti à respognü: Maester, i ùn laurè dötta la nöt y i n'ùn pié nia. Mo sön tüa parora sciurarà fora les rëis. Chësc ài fat, y ai à pié tan tröc pësc, che sües rëis manaciâ da se scarzè. Porchël ti ài fat sëgn ai compagns tl'atra barca, ch'ai gniss y i daidass. Ai é gnüs, y deboriada ài implì trames les barches cina al ur, ch'ares manaciâ da jì sot. .... Deache èl y düc sü compagns ê restà imprescionà y spordüs da odèi tan de pësc ch'ai â pié; avisa insciö ti éra ince jüda a Iaco y a Jan, ai fis de Zebedeus, che laurâ cun Scimun. Spo ti à Gejú dit a Scimun: No te temèi! Da sëgn inant piaraste jënt. Y ai à trat les barches sön spona, à lascè döt y ti é jüs do.





*N momënt che müda döt. Chël conresciunse. Sc'i ne m'ess nia intenü ....., sc'i n'ess nia odü chël inserat ....., sc'i n'ess nia incunté ....., dailó foss jüda mia vita te döt n ater vers. Lapostul Pire á albü deplü de te momënc:*

*Al ciara sö, canche Gejú stá te n iade dan da d'èl y l'invieia da ti jí do. Pordèrt àl döt val' d'ater da fá: cuncé les rëis, chël é debojëgn sc'ai orò pié val' le de do. Mo Pire lascia ia la odla y la rëi, lascia ester le laur da vigni de y tol ite Gejú te süa barca.*

*Incö, te chësc vangele, láscel da na pert dotes sües esperiënzes da pesciadú y sciüra ciamó n iade fora les rëis. Y al n'abina n gröm, tanc che les rëis manacia da se scarzè, deach'al s'á lascé ite sön le consèi de Gejú.*

*Pire sfrutëia le dër momënt, y döt se müda te süa vita, por èl y ince por nos. Deache cun Pire y sü compagns röia la cherdada dl pordicadú da Nazaret cina te nosc tëmp y ó arjunje ince nos. I orun se tó da Pire le coraje y la fidënza da porvé danü. (image)*

EDEMA	SAN MARTIN	LUNGIARÛ	 <b>I periun do l'intenziun dl Papa tl mäs de forä</b>
<b>06.02.22</b> <b>5<sup>a</sup> DOMËNIA - Ann C</b> <b>De dla vita</b>	<b>9.00 Corona</b> (siur Klaus) <b>9.30 Gran Messa – De dla Vita por la Comunité</b> de rengraz. a siur Heinrich Videsott dl ann + Giovanni Pescoller + Giovanni Flöss (dl ann)	<b>7.50 Corona</b> (siur Klaus) <b>8.15 Gran Mëssa – De dla Vita por la Comunité por düc i geniturs che á albü n viadú tl 2021</b>	I periun por dötes les ères, che á consagré súa vita a Chël Bel Dî, y sun reconescënc de súa cherdada y de so coraje da chirí y da ti dé respostes nöies a ci che nosc tēmp á dejojēgn.
<b>07.02.22</b> <b>Lönesc</b> Richard, Nivard			
<b>08.02.22</b> <b>Dedolönesc</b> Iarone Ämiliani, Iosefina Bakhita	<b>19.00 Mëssa</b> vis y def. fam. Siegfried y Maria Zingerle + Pepi Dejaco, Larjēi		I ne sá nia sce le patrūn de chēsta ciasa á albü la lizēnza da arcuncé les plates de tēt a chēsta moda. „YES“ ó dí „SCĚ“: al ne minä dessigü nia da dí de scē a döt mo da afrunté súa vita te na manira positiva.
<b>09.02.22</b> <b>Dedemesaledema</b> Apolonia, Alexia		<b>7.30 Mëssa</b> vis y def de fam. Tini y Dorina Clara + + geniturs de fam. Eugenio y Teresa Maieron	De te' porsones – de chēres ch'al n' é tres demanco – adorunse.
<b>10.02.22</b> <b>Jöbia</b> Scolastica, Silvan	<b>15.00 Mëssa a Bioch</b> – i se rcordun di amará en onú y rengr. a Santa Maria da Lourdes por les Püres Animes	<b>15.00 Mëssa a Bioch</b> – i se rcordun di amará en onú y rengr. a Santa Maria da Lourdes por les Püres Animes	La gran pert – me pël – dij bëgn de scē, mo vëiga spo n gröm de rajuns da dí inultima impó de no. Dessigü mëssi iö calcolé ite i risc a chi ch'i ti vá adincuntra, deache la vita á sü prighi.
<b>11.02.22</b> <b>Vëndres</b> Santa Maria da Lourdes De mondial di amará	<b>18.30 Adoraziun chîta</b> <b>19.00 Adoraziun deboriada</b>	<b>7.30 Mëssa</b> + + Angel y Clara Ferdigg dl ann + suor Maria Regina Costa	Mo sc'i ó evité vigni prigo me dejaüsi y me desmëntii da vire.
<b>12.02.22</b> <b>Sabeda</b> Gregöre, Benedēt	<b>19.30 Mëssa prefestia</b> dl ann + Artur Conrater + Clara Frenner Zingerle (dl ann) + Aristide Brivio (dl ann) + Edith Prousch	<b>18.00 Mëssa prefestia</b> aniv. + Franz Pezzei Ghestan + Paul Castlunger dl ann + Albino Daporta, Mazchel	Porchël él damí sc'i ti diji de scē ala vita, y me lasci sön Chël Bel Dî. Èl é chël che ó y á ion mia vita.
<b>13.02.22</b> <b>6<sup>a</sup> DOMËNIA - Ann C</b>	<b>9.00 Corona</b> <b>9.30 Gran Messa por la Comunité</b> + siur Angel Morlang (dl ann) de rengr. families de Albert Moling + Helmut Dejaco	<b>7.50 Corona</b> <b>8.15 Gran Mëssa por la Comunité</b>	La Bibia cunta de deplü porsones che á riscé y che é piades ia: Abraham é pié ia ciamó da vedl, deache Idî l'â cherdé. I discepui lascia, sön la parora de Gejú, sües families y so mistier, zēnza savēi olach'al i condüj. Ai ti dij de scē a Chël Bel Dî y a ci ch'al á imēnt cun ēi, ciodí ch'ai s'á ch'al la mina buna imparä. Y te chēsc podunse ince nos crēie. Image